

J*Aromatawai - Te Ao Haka*
Paerewa paetae - 91980

Te Ao Haka

Paerewa Paetae : 91980

Ingoa tauira:

Pekanga Waiata: Waiata ā ringa

Ngā wāhanga o te waiata ā ringa: Whakapiki wairua, kaupapa ā iwi

Ngā kaupapa e toru o Te Ao Haka hei aronga māku:

1 **Te Tere**(2) 2 **Rerekī** (3) 3 **Reretau** (4)

‘Ngāti Whātua’

(1) Whakataki: (waiata takitoru)

Mai Maunganui ki Tāmaki
Mai Tāmaki ki Maunganui
Te manawa taurikura, kia kaha
Ngāti Whātua

Whiti 1:

Tumutumuwhenua
Waitematā moana
Takatakahi whenua
Ngāti Whatua, whatua, whatua
Te hā o te wairua UUU
Te aho here tāngata
Te Kaahupokere, te eke, te rere mai nei e

Kōrihi:

Mai Maunganui ki Tāmaki
Mai Tāmaki ki Maunganui
Ngā uri o te iwi o Tuperiri
He Ngāti Whatua

Whiti 2:

Ōkahu Takaparawhau UUU
Taurarau Ōpou
He tūtohu e tohutohu mai nei
I ōku whenua

Te hononga (kōrihi):

Mai Maunganui ki Tāmaki
Mai Tāmaki ki Maunganui (kia 3 ngā manawataki)
Te hā o te wairua
He aho here tāngata
Te manawa taurikura, kia kaha
Ngāti Whātua – Tumutumuwhenua, Waitematā moana (tāne – rangi matua), Hi

Ko ngā kaupapa e toru:

Rārangi Waiata:	Te Tere - Tempo	Rerekī - Phrasing	Reretau - Harmony
Whakataki: (1)	(2)	(3)	(4)
Mai Maunganui ki Tāmaki Mai Tāmaki ki Maunganui Te manawa taurikura, kia kaha Ngāti Whātua	E tohu ana te tere o tēnei waiata i te wairua whakangahau me te hari koa o te iwi. Ahakoa ngā aupēhitanga ki runga i te iwi o Ngāti Whātua i ngā tau, e tau ana te noho a ngā uri, ā, e kitea ana tēnei i roto i te tau o te tere o te waiata. (5)	Mā te tōwai whakamuri i te rerenga tuatahi hei rerenga tuarua e mārama ai ngā kaimātakitaki ki te rohe-ā-iwi o Ngāti Whātua. (5)	E mārama ai ngā kaimātakitaki ki ngā reka o taku iwi, me reka hoki ngā reo waiata o te tira tokotoru. E kapi ana i ngā kaiwaiata te reka o ngā hua o taku iwi mā te whakatōiri i ō rātou reo. (5)
Whiti 1:			
Tumutumuwhenua Waitematā moana Takatakahi whenua Ngāti Whatua, whatua, whatua Te hā o te wairua UUU Te aho here tāngata Te Kaahupokere, te eke, te rere mai nei e	E tohu ana te tere o tēnei waiata i te āheinga o te iwi o Ngāti Whātua ki te whakanoa i a rātou anō, otirā, ki te pupuri tonu i te mauri o te iwi ki te whenua, o te whenua ki te iwi. (5)	Katoa ngā rārangi o te whiti nei e mutu ana ki te pū 'ā'. He tohu nui tēnei o te reo rotarota, he rawe ki te taringa o te hunga whakarongo. Kia ngau i nga kupu, kia marama nga kaimatakitaki ki te māramatanga, ki te mīta o te reo. Kia kore e mahue i te manawataki. (5)	Me kuhu kaha nga kaiwaiata na te mea koirā te timatanga o te waiata. Me pērā tae noa atu ki te mutunga. Kia kaha ngā 'UUU' kia pāorooro te rongo. (5)
Kōrihi:			
Mai Maunganui ki Tāmaki Mai Tāmaki ki Maunganui Ngā uri o te iwi o Tuperiri He Ngāti Whatua	He rite tonu te tere o tēnei wāhanga kōrihi o te waiata, he tere i tohua i te tīmatanga rā anō o te waiata, ka mutu, he wāhanga nui tō te hunga kairakuraku ki te tohu i te tere, ki te mau tonu ki te tere, atu i te tīmatanga tae noa ki te mutunga. (5)	E whakamahi ana i tētahi o nga whakatauki nō Ngāti Whātua kia hono tonu ai te kaupapa o te waiata ki te iwi o Ngāti Whātua. He momo whakatauki hurirapa tēnei momo whakatauki. (5)	Kia rōreka te reo o te tokotoru, kia rongo pai ngā kaimātakitaki i ngā reretau. Kia rongo i ngā piki me ngā heke o te reo waiata. (5)
Whiti 2:			
Ōkahu Takaparawhau UUU Taurarau Ōpou He tūtohu e tohutohu mai nei I ōku whenua	He terenga e tuku ana i ngā kare ā roto o 'māia', o 'hari koa', o 'mana motuhake'. He tohu i te hononga o te iwi ki tōna whenua me ēnei kare ā roto katoa. (5)	I whakamahi i nga ingoa o ngā whenua raupatu o Ngāti Whātua hei whakaatu i ngā rohenga o aua whenua raupatu o te iwi, kia kore e warewaretia e ngā uri whakaheke. (5)	Kia kaha, kia ataahua nga reretau mō ngā 'UUU'. Me kaha ngā reo ki te whakamana i nga whenua i raupatuhia. Ka toko ake te māramatanga ki ngā kaihaka, ki te minenga mātaki hoki, i te mana nui o aua whenua ki te iwi o Ngāti Whātua. (5)

Te hononga (kōrihi):			
Mai Maunganui ki Tāmaki Mai Tāmaki ki Maunganui (kia 3 ngā manawataki) Te hā o te wairua He aho here tāngata Te manawa taurikura, kia kaha Ngāti Whātua – Tumutumuwhenua, Waitematā moana (tāne – rangi matua) Hi!	E kore te tere o te waiata nei e panoni, engari ia, ka ū tonu, pērā i tā Ngāti Whātua ū ki te whawhai mō tōna mana whenua, ahakoa te hiahia ā ētahi ki te pana i a rātou, atu i tō rātou whenua, kia noho pōhara ai rātou. Ū tonu, ū tonu mō te āke. (5)	Ma te whakamahi i nga reo o te tokotoru mō tēnei whakatauki, kia whakaataahua, kia whai kiko te whakatauki ki nga kaimātakitaki, ā, ki nga kaiwaiata. I whakamahi i te here tangata kia hoki mahara ki te whakatauki, Tāmaki herenga tāngata. Nā te mea ko Ngāti Whātua te tangata whenua o Tāmaki Makaurau. (5)	Mā ngā reo rōreka o te tokotoru te waiata e whakarekareka kia whai hiringa, kia whai ngao te waiata. Ka whakatepe i te waiata hei whakapāoro atu i te whakapapa o Ngāti Whātua. (5)

Paerewa Paetae 91980 – Te Ao Haka

He aha te karere matua e hiahia nei koe ki te tuku ki te minenga ka rongu, māna, ka pānui i ngā kupu o te titonga? (6)
Kia hoki ngā mahara ki ngā whawhai kua whawhaitia e Ngāti Whātua kia hoki anō ai ngā whenua i raupatungia ki ngā ringaringa tonu o te iwi. Kia rongu ki te mana nui o ngā wāhi tohu whenua, o te iwi hoki. Mā te whakamahi i ngā ingoa whenua tēnei whāinga e whakatutuki.
I pēhea rā te whakamahi i ngā kaupapa e toru ki te tuku i te māramatanga o taua karere? (6)
Ma te whakamahi i te manawataki pōturi ka puoro tautito te āhua o te waiata, ka pērā anō te āhua o te hunga mātaki, nō reira, hei whakapiki i te wairua o ngā kaimātakitaki, ka ū te waiata nei ki tētahi tere tino ngahau nei. He tohu nui tēnei o te hari koa o te iwi, o te manawa ū o te iwi ki ōna kaupapa huhua. Mā te whakamahi i tōku pepeha ka hoki mahara ki tōku iwi, ki tōna whakapapa, ki ngā whenua, ki ngā mahi i mahia e ōku tūpuna. Mā ngā momo rerekī ēnei tū āhuatanga e whakatau ki ia whiti me te kōrihi hoki o te waiata nei. Mā ngā reo o te tokotoru te waiata nei e whai hiringa. Mā ngā reretau tōiri, mā ngā reo te tokotoru e whakarākei, e whakaataahua i te waiata e pai ai tā te hunga whakarongo areare taringa atu.
He aha koe i kōwhiri ai ngā kaupapa e toru, ka mutu, he aha tāu e tūmanako nei mō te titonga hou nei? (6)
Hei koha te waiata nei ki tōku iwi, nā te mea, kāore anō au kia rongu i ngā waiata e pā ana ki ōku whenua raupatu. Ko te tumanako kia matapopore, kia kore e whakapōuri i te wairua o ngā kaihaka, o te minenga whakarongo, engari ia, ko te whakapiki i te wairua nā te mea, he waiata tēnei e pā ana ki te iwi me ngā haumaiiui o te hunga ringa raupā. I kōwhiri au i ngā kaupapa e toru, arā, ko te tere, ko te rerekī me te reretau i te mea, i a au e mātaki haka ana, koinei tonu ngā kaupapa e tino mau nei i ahau ki te aro ki tētahi waiata ake, ki tētahi kapa ake. He mea kapa i te aronga o te hunga kaihaka, o te hunga mātaki hoki.

